



## ЗАРДАЛИ ФИКР

### НИМА КЕРАГИ БОР?

Авваллари бундай эмасди. Кейинги пайтларда кўча-кўйда барча милиция ходимлари резина таёқ кўтариб юрадиган бўлишди. Баъзилари уни ўйнатиб, шунақа виқор билан бошқаларни менсимай қадам ташлашадими, кўриб ҳайратдан ёқа ушлайсан киши. Таҳликали пайтларда кўтариб юришсин. Лекин ҳамма ёқда осойишталик барқарор бўлган даврда ортиқча даҳмазанинг нима кераги бор? Биз милиция ходимидан кўрқимиз эмас, ҳурмат қилишимиз керак. Бунга эса резина таёқ ҳалақит берапти.

Абдурашул МАВЛОҒОВ.

Шу йил 2 июнь куни эрталаб Фарғона шаҳрида юз берган воқеа ҳали-ҳануз ҳамманинг оғзиди. Шаҳарнинг қоқ марказидан Охунбобоев даҳасига қатновчи автобустга икки нафар ўспирин чиқди. Қўлларидан пичоқ билан шофёрга таҳдид солишди.

— Бақириб-чақирадиган бўлсанг, биқинингдан дарча очиб қўямиз. Қани, кассадаги пулларни чиқар!

Тўғри, салонда одам тирбанд эди. Лекин ҳайдовчига елкадош бўладиган бирорта мард топилмади. Ялтिलाётган совуқ қуролни кўргач, ҳамманинг дами ичига тушиб кетган эди. Бу эса қароқчиларга қўл келди. Ҳайдовчи титраб-қақшаб узатган пулларни шошилиб кассага солишдида, кўздан ғойиб бўлишди. Бу ҳол шу йўналиш бўйича қатнайдиغان ҳамма авто-

бусларда рўй берди.

Шаҳар ИИБ 1-бўлимаси оператив навбатчиси бу ҳақда хабар олдию ички ишлар бўлими бошлиғи милиция подполковниги Нematжон Мадёров билан боғланди.

киритилди. Чунки улар ички ишлар соҳасида анчагина тажриба тўплаган кишилар эди.

— Биров-бировни танимайдиغان катта шаҳардан икки қароқчини қидириш бир қоп сомон ичидан ни-

Биз шу ўринда текин пул дардида одамлигини йўқотганлар билан рўнома ихлосмандларини яқиндан таништиришни лозим топдик.

Тоир Шабанов, 1967 йилда туғилган, уйсозлик комбинатида қоровул бўлиб ишлайди. Тўғимачи кўчасидаги 17-уйда истиқомат қилади.

Баҳром Зокиров, 1973 йилда туғилган, Ўзбекистон 50 йиллиги кўчасидаги 7-уй 28-хонадонда яшайди, ҳеч қаерда ишламайди.

Уларга нисбатан жиноят мажмуасининг 115-моддаси 2-қисмига асосан жиноий иш қўзғатилган. Тергов ҳаракатлари ниҳоятсига етай деб қолди.

А. ҒАНИЕВ,  
Фарғона вилояти ИИБ ҳуқуқбузарликнинг олдини олиш бўлими ходими милиция майори.

## ТАДБИРКОРЛИК

Зудлик билан вилоят ИИБ ҳуқуқбузарликнинг олдини олиш бўлими ходими милиция майори Баҳромжон Ҳолиқов бошлиқ оператив гуруҳ тузилди. Яна гуруҳга Фарғона шаҳар ИИБ 1-бўлимаси бошлиғи милиция майори Ш. Худоёров, участка инспекторлари милиция капитанлари А. Маматов, А. Исоқовлар ҳам

на ахтаришдай гап эди, — дейди Н. Мадёров, — лекин гуруҳ аъзолари тиришқоқлик билан ҳаракат қиядилар. Шу йўналишдаги автобусларда қатнайдиغان юзлаб кишилар билан суҳбатлашишга тўғри келди. Хайриятки, шунча қилниган меҳнат самарасиз кетмади. Шу куни соат 12 ларгача қидириляётган шахслар қўлга олинди.

## Ҳамкорликда ишлашмоқда

Ўрта Осиё темир йўлчилари эртага нишонланадиган ўз байрамларини меҳнатда ютуқлар билан кутиб олаётдилар.

Пулат излардан жумхуриятимиз ҳудудидаги саноат корхоналари учун қимматбахо юклар ташини билан бир қаторда йўловчи поездлари фуқароларини иттифоқимиз-

нинг турли шаҳар ва курорт зоналарига элтиб қўймоқда.

— Юкларни бекаму кўст белгиланган манзилларга етказишда ва йўловчи поездларда жамоат тартибини сақлашда темир йўлчиларга ходимларимиз яқиндан ёрдам беришяпти, — дейди биз билан суҳбатда Ўрта Осиё транспорт милицияси бошлиғи

нинг ўринбосари милиция майори Акмалжон Тошматов. — Темир йўлчиларни байрамлари билан чин юракдан табриклаб, уларга ва оила аъзоларига сиҳат-саломатлик, ишларида муваффақиятлар тилаймиз.

Ҳабибулла ШОДИЕВ.

СУРАТЛАРДА: транспорт милицияси ходими милиция кичик сержанти Шерали Миралдиев (ўнгдан биринчи) ва унинг жанговар ёрдамчилари-кўнгилли халқ дружинаси аъзолари Шокир Мирзараҳимов, Мақсуд Ерметовлар 11-класс машинисти Рихсибой Мусаев билан суҳбатда; Қизил тўғимачи бекати ишчилари — поезд-



ларни қабул қилувчи Баҳодир Нишонбоев ва техник ходима Елена Сямакина; «Жанубий» темир йўл шоҳбекатидаги ИИБ бошлиғи милиция майори Рустам Ори-

пов ва унинг ўринбосари милиция майори Мазор Эминовлар ўз ходимларига топшириқ бераптилар.

Муаллиф олган суратлар.



# ЧОРАК АСР ПОСТДА

Абдулпатто эрталаб хонасига киргач, одатига кўра иш режасига кўз югуртирди. Бугун 4-тажриба қишлоқ қурилиш комбинатида ичкиликбозликка қарши кураш тўғрисида суҳбат ўтказиши керак экан. У комбинат директори Анваржон Икромов билан телефонда боғланиб, қулай вақтни белгилаб олди. Сўнг суҳбатни янги мисоллар билан бойитиш учун кейинги пайтда содир бўлган воқеаларни ён дафтарида қайд этди. «Энг муҳими, Ғуломжон Ҳамроқуловни топиш керак. У ўша ерда ишлайди-ку». Хаёлига келган бу фикрдан ўзи қувониб кетди. Чунки Ғуломжон турмуш ўртоғи билан миннатдорчилик билдирган эди. Агар Абдулпатто қаттиқ турмаганида, унинг ичкиликдан қайтиши даргумон эди-да...



Инспектор жамоа олдида гапни ичкиликбозликка қарши ҳамма ҳамкорликда курашиш кераклигини таъкидлашдан бошлади. «Ичкиликбозлик жамиятимизга ёт иллат, — деди у. — Шунинг учун ҳар бир софдил киши иш жойида ҳам, маҳалласида ҳам изчил курашиши билангина кутган натижага эришамиз. Акс ҳолда турли кўнгилсизликлар келиб чиқиши мумкин. Тушпа-туш ишчиларгача жиноят кўчасига киришганини билмай қолишади. Масалан, бундан икки-уч йил аввал кўчаларда маст-аласт юрганларга кўпчилик эътиборсизлик билан қарарди. Оқибатда йилга бир неча жиноят содир бўларди. Кўрғонимиздаги ишчилардан Сайдулла Азиев, Абдумутал Тўрабоевларнинг бири кайф ҳолда мотоцикл ўғирлаб, бири беғуноҳ кишига оғир тан жароҳати етказиб, жиний жавобгарликка тортилганлар. Эндиликда ичкиликбозлик туфайли рўй берадиган тартиббузарлик ва жиноятчилик барҳам топишти. Бу борада кенг жамоатчилик, кўнгилли халқ дружиначилари яқиндан кўмаклашмоқдалар».

Инспекторнинг суҳбати ҳаммада қизиқиш уйғотди. У олим Бенжамин Франклиннинг: «Ичмаслик — ўчоққа ўтин, қозонга гўшт, дастурхонга нон, давлатга даромад, ҳаммага пул, танга куч, устга кийим-бош, мияга ақл, оилага фаровонлик бахш этади», — деган доно фикрига тингловчиларнинг диққат-эътиборини тортди.

— Бу фикрнинг тўғрилигини Ғуломжон яхши билади. — дея олдинги қаторда ўтирган ишчига ишора қилди. — Икки оғиз айтиб бермайсизми?

— Инспекторимиз мендан сўраётганликларининг сабаби бор. — деди у ўрнидан туриб. — Ароқ касофатнинг жабрини тортиб кўрганман. Уйдан барака қочирган, оиламизнинг боши жанжал-тўполондан чиқмай қолган эди. Мени маҳаллада изза қилишди, бўлмади, яна ичиб кўя-

вердим. Охири инспекторнинг тоқати тугаб, алкоголь диспансерига ташлаб келишини айтганида, ярим йўлдан қайтганмиз. Ичмасликка сўнгги ваъдани берганман. Уйда хотиним Саломат назоратчи. Иш жойимнинг тайини ҳам қолмаган, инспектор комбинатга бошлаб келиб, яна бир бор ичмасликни қаттиқ тайинлаб, сизларнинг сафингизга қўшилишимга ёрдам қилди. Кун оша сўраб суриштириб турди. Хуллас, иродамини қўлга олиб, ароқдан юз ўгирдим.

## ФИДОИИ ИНСОНЛАР ҲАҚИДА ҲИКОЯЛАР

Суҳбат қутилган самара берди. Хўшёрлик зонасининг катта бир участкаси ҳисобланган комбинатнинг меҳнат жамоаси ичкиликбозликка чек қўйиш ҳаракатида фаол қатнашиш истагини билдирди. Инспектор дили ёришиб кўчага чиқди. Энди у кўнгилли дружиначиларга вазифа тақсимлаши лозим. Серқатнов чорраҳада эса ҳаракат хавфсизлигини таъминлаш учун ДАН ходимларига ёрдамлашади. Айни маҳалда меҳнатсиз даромад топишга интилаётган ҳайдовчиларни аниқлайди.

Бу Наманган вилояти Тўрақўрғон туманидаги Оқтош кўрғонининг катта участка вакили Абдулпатто Сайдуллаевнинг хизмат фаолиятидан бир лавҳа, холос. Аслида унинг ҳар бир куни ана шундай режали, таъсирчан тадбирларни рўёбга чиқариш, намунал жамоат тартиби ўрнатиш учун тинмай изланиш билан ўтади.

Абдулпатто Кужрон қишлоғида тутилган. У туман ички ишлар бўлимига 1966 йили комсомол йўлланмаси билан келган. Совет Армияси хизматини муваффақиятли тугаллаб, бу ерда иш бошлаган сергайрат йигитга соқчилик вазифаси топширилган. Яхши ишлаб, ўзини кўрсатгач, 1968 йилда болалар хонаси инспекторлигига тайинланди. У ўсмирлар ора-

сида кунт билан иш олиб борди. Безорилик, майда жиноятчиликнинг олдини олишда чинакамига жонқуярлик қилди. Натижада келаси йили ёш ходимга катта ишонч билдирилди. У туман маркази участка инспекторлигига ўтказилди. Участка осойишталигини ўз постида хўшёр ва сергак қўриқлаб, анча ютуқларга эришди. Орадан кўп вақт ўтмай Оқтош кўрғони участка инспекторлиги топширилди. Бу ерда турли жиноятлар, кўнгилсиз ҳодисалар тез-тез рўй бераётганлиги Абдулпаттога ўхшаган ишчан инспекторнинг зарурлигини кўрсатаётганди. У зиммасидаги масъулиятни чўқур ҳис этиб, қисқа фурсатда жамоат тартибини мустаҳкамлади. Меҳнат жамоаларида, аҳоли ўртасида фаол иш олиб борди. Шу йўл билан жиноятчиликни кескин камайтирди. Ҳалол хизматлари эвазига унинг унвонлари оширилди. Милиция майори даражасига кўтарилди. Сирдан олий маълумот олди.

У бир неча йилдан буён катта инспектор. Эндиликда фақат Оқтош кўрғонининг осойишталигини таъминлаш билангина чекланиб қолмайди. Балки агрофдаги қишлоқларнинг участка инспекторларига ҳам тегишли йўл-йўриқ беради, тажрибаларини ўргатади. У ички ишлар бўлимида мурабийлар Кенгаши раҳбари, сиёсий ўқув тарғиботчиси ҳамдир.

Ҳамид Шерматов, Аббосали Ҳакимов, Абдуҷалил Каттабоев, Юнусжон Сулаймонов, Жамолiddин Маҳаммадинов сингари офицерлар Абдулпаттонинг устоз, деб билишади.

Милиция таянч пунктида-миз. Хона тўрида «Энг яхши участка инспектори», «Социалистик мусобақа голиби» деган алвон вимпеллар осиглиқ. Деворда участка схемаси. Унда 36 та объект белгилаб қўйилган.


— Оқтош кўлаб саноат корхоналари, қурилиш ташкилотлари жойлашган, турли миллат вакиллари яшайдиган катта кўрғон, — дейди майор Абдулпатто Сайдуллаев. — Эллиқдан ортиқ халқ дружиначиларидан фойдаланяшимиз. Акрамхон Эшоннов, Зоҳиджон Абдуқаҳоров, Йўлдошали Эргашевлар, айниқса, фаол кўмакчиларимдир. Штабда уларга қулай шароитлар яратиб қўйганман. Халқдан Ҳурсандман. 1987 йили Тўрақўрғон шаҳрига инспекторликка олиб қўйишганди. Оқтошликларнинг қайта-қайта талабига кўра яна 1990 йилдан кўрғонда ишни давом эттиряман. Менимча, жиноятчини топиб жазолашдан жиноятчиликнинг олдини олиш муҳимроқ. Одамлар ўртасида ҳуқуқий билимларни тарғиб қилиш, улар билан индивидуал ишлаш наф келтиради. Шу боис профилактикага эътиборни кучайтирганам-кучайтирган.

Жанговар постда чорак асрдан буён ҳалол ва сиддиқидилдан ишлаб келаётган милиция майори, принципиал коммунист фақат эл ҳурмати сазоворгина эмас, ўз навбатида қатор тақдирномалар соҳиби ҳамдир. «Милиция аълочиси», учала даражали «Бенуқсон хизмати учун» медаллари унинг қўсини безаб турибди.

Содиқ САИҲУН,

ССЖИ Журналистлар уюммаси аъзоси.  
Суратларда: Абдулпатто Сайдуллаев; у шогирди бўлим навбатчиси милиция капитани Абдуҷалил Каттабоев билан.


# КЎРҒАЗМАГА МАРҲАМАТ



Аввал хабар қилганимиздек, УзССЖ ИИБ биносида жиноятчиликка қарши курашда асқотадиган замонавий аслаҳалар кўрғазмаси очилган эди. Бу ерда ҳанузгача томошабинлар гавжум. Оғирлиги даярли сезилмайдиган алоқа воситалари, тасвирга туширувчи митти камералар, кичик нусха кўчириш ускуналари, криминалистика жомадонлари ҳаммада қизиқиш уйғотмоқда.

Суратларда: 1. Кўрғазма экспонатларидан намуналар. 2. Бундай қулай аслаҳалар олди дан кетгиси келмай қолади кишининг.

Сураткаш Х. ШОДИЕВ.



ИККИ ОҒИЗ СУЗ БИЛАН

## ОПЕРГУРУХ ОЁҚҚА ТУРДИ

Хива шаҳар ИИБга фуқаро Худойберган Болтабоев ўзига тегишли «Газ-24» белгили автомобиласининг олдинги инкита ёлдираги, пешойнаси ўғирланганлиги ва машинанинг юкхонаси бузилганлигини хабар қилди.

Участка инспектори милиция капитани Сотим Масимов, терговчи милиция майори Омон Иброҳимов ЖҚБ опервакили милиция лейтенанти Нейматжон Омоновлар иштирокидати опергурух ўғриларни қўлга олиб, уларнинг анча «меҳнат» қилиб топган ўлкаларини этасига қайтарди.

Шу йилнинг 29 май куни участка инспектори милиция капитани Вапо Маҳмудов Хива шаҳар ИИБ билан боғланиб, бутуниттифоқ қидирувида юрган Давидшо Аслоновнинг Урганч шаҳрига кетаётганлиги ҳақида опергурухни огоҳлантирди.

Свердловск шаҳрида беш минг сўм пул учун бир инсон умрига зомин бўлган. Файзиободда тақвон ҳайдовчисини ўлдирган, алоқа бўлимидан 115 минг сўм пул ўғирлаган ашаддий жиноятчи Урганч йўлидаги ДАН постда қўлга олинди.  
Б. САЪДУЛЛАЕВ.





# ҚИРҒОҚ, ДАҒИ ҚАБИҲЛИК

Икковлон дўст эдилар. Бир-бирларисиз туролмас, ҳаттоки тушларида ҳам дарров топишиб олардилар. Кўпчилик уларни «оғайнилар» деб аташларининг боиси ҳам шундадир. Чиндан ҳам Виталик билан Юрани куннинг истаган вақтида бирга кўриш мумкин эди. Усмирларнинг бисотида биргина мотоцикллари бўлиб, соатлаб мотор кавлашдан зерикшмас эди. Кейин эса қора мойга беланган ҳолда «шайтон арава»га мингашиб, токи у бузилмагунча юраверишар эди.

«Оғайнилар»нинг таржиман ҳоли ҳам шалағи чиққан мотоциклга ўхшаб ремонтталаб (ҳозирда «таъмирлаш» ишлари кетмоқда).

Виталик аранг саккинчи синфни тугатиб олди. Бироқ кутилмаганда унинг кўнгли яна ўқишни тусаб қолди. Сўнгра тўппатўғри Тошкентга келиб, билим юртларининг бирига ҳужжат топширди. Анчамунча, яъни саккиз ой ўқиди ҳам. Кейин ўйлаб кўрса, бу даргоҳ Виталикнинг характерида тўғри келмас экан. Қолаверса, партада ўтиравериш ҳам унинг жонига тегди. Қисқаси, хайрмаъзурни насия қилиб, билим юртини тарк этди. Тўғри, дастлаб мураббийлар бу ҳолдан бироз ташвишлангандек бўлдилар. Кейин эса қўл силтаб қўя қолди. Виталик учун ўқитувчиларнинг совуққонлиги айни муддао бўлди.

Юра эса дўстига қараганда анча ўқимишли чиқди. У мактаб-интернатни тамомлади. Кейинги баҳорда армияга кетишини ўйлаб, бироз ўйнаб қолмоқчи бўл-

ди. Ота-онаси ҳам бунга қаршилик қилишмади.

Шундай қилиб Виталик ва Юра назоратсиз кўча чангитиб юравердилар. Улфат деганда ичкиликбозликни тушунадиган бу ўсмирлар дастидан «Жасорат» вивоси ҳам, «Жингули» пивоси ҳам қолмади. Мазмунли ўтаётган кунларидан шодон «оғайнилар» чўмилишга бормоқчи бўлишди. Аммо табиат қўйида фақатгина икки йигитчанин ҳордиқ чиқариши зерикарли бўлиши мумкин. Демак Наргизани авраш керак. Ахир, у ҳақида баъзи бир гаплар қулоққа чалинган эди-да.

Наргиза ҳам нима қиларини билмай зерикиб юрган экан, шекилли, дарров бу таклифга кўна қолди. Бир зумда улар Янгийўл туманидаги «Интернационал» жамоа хўжалиги яқинидан оқиб ўтувчи Чирчиқ дарёси қирғоғига етиб келдилар. Кейин эса маза қилиб чўмилдилар. Қуёш нурарида тобландилар ҳам. Шў дамда Виталик ва Юранинги миясида бир фикр чарх ура бошлади.

Наргиза! Ахир, у ҳақида баъзи бир гаплар қулоққа чалинган эди-да.



«Оғайнилар» нималарнидир пичирлашиб олдилар. Кейин аста Наргизага яқинлаша бошладилар. Ниятлари бузуқлигини сезган қиз дастлаб қочмоқчи бўлди. Бироқ бир зумда йигитлар уни маҳкам ушқлаб олдилар ва зўрлаб но-

мусига тегдилар. Аттанг, миш-миш гапларнинг ҳаммаси бекорчи экади. Наргиза аюҳаннос солиб додлай бошлади. Йигитларни милицияга айтиб, қаматиб юборишини айтди. Номус ўғриларини ток ургандек бўлди. Ранглари докадек оқариб, бир-бирларига бақрайиб қолдилар. Бироз сукут сақлагач, яна нималарнидир келишиб олишди. Кейин эса... Ҳа, жиноят содир этилди. Юра Наргизани маҳкам ушлаб турди. Виталик эса унга пичоқ санчди. Бечора қиз жон аччиғида типирчилаб қочишга уринди. Афсуски, кейинги тиг зарбидан у ҳолсизланиб йиқилди.

Қотиллар нима қилиб бўлса ҳам, жиноят изини йўқотишга киришдилар. Зудлик билан жасадни шу ерда ётган машина радиаторига боғлаб, дарёга улоқтирдилар.

Мана шу машғум воқеадан сўнградан бирмунча вақт ўтди. «Оғайни»ларнинг на еган-ичганларида, на ўйин-кулгуларида ҳаловат бор эди. Ҳаттоки Наргиза уларнинг тушларига кириб, тинчлик бермасди. Буларнинг ҳаммасини эсдан чиқариш учун эса бир йўл қолди. У ҳам бўлса ички-

ликка зўр бериш. Шундай ҳам қилишди. Аммо Наргизанинги арвоғи бошлари узра чирқираб туравергандек эди. Касални яширсанг, иситмаси ошкор қилади, деб бежиз айтмаган эканлар. Кунларнинг бирида Виталик дўстлари билан роса ичди. Кейин эса алжираб, атрофидагиларга нималарнидир гапира бошлади. Ҳа, у Наргизани қандай қилиб ўлдирганлигини айтаётган эди. Бу гапларга ишонмаган тенгқурларини ҳаттоки қирғоққа олиб борди ва дарёга ишора қилиб: «Наргиза мана шу ерда ётибди», — деди.

Тез орада тарқалган мишмишлардан воқиф бўлган милиция ходимлари «оғайнилар»ни сўроқ қилишга киришдилар. Савол-жавоблар эса узоққа чўзилмади. Чунки Виталик ва Юралар ўша куннинг ўзидаёқ айбларига иқрор бўлдилар.

Прокурорнинг рухсати билан ҳибсга олинган ўсмирлар ҳозирда тергов қамоқхонасида ўтиришибди. Лекин улар ашаддий жиноятчими? Ёки бўлмаса устаси фаранг қотилларми? Йўқ, аксинча, она сути озгидан кетмаган гўдаклар. Фақатгина ота-оналари ва муаллимларининг лоқайдлиги туфайли ҳаётда қаттиқ адашдилар.

**Шавкат АҲМЕДОВ,** Тошкент вилояти ИИБ балоғатга етмаганлар иши бўйича инспекцияси бошлиғи милиция майори.

**Баҳодир ДАВЛАТОВ,** вилоят ИИБ ташкилий-инспекторлик бўлимининг катта инспектори милиция капитани.

## ҚАДРИ БАЛАНД САБОҚ БЕРДИ



Чироқ ўчди. Экранда эса чўғирмасининг шокиллари ҳам қаҳр-ғазаб ўтида ёнган кўзларини яширолмаган Жунаидхон пайдо бўлди. Қорақум саҳросининг беадад кумликлари ҳукмрони Бухоро амири «элчиси» — ЧК ходими билан юртни болшавойлар зулмидан озод этиш тўғрисида чертиб-чертиб, лўнда гаплашарди.

Сўнгра амир ҳазрати олийларининг «элчиси»ни Хоразм халқ шўро жумҳурияти ЧКси раиси Сибгатуллиннинг қатл этилишини томоша қилишга етаклади. Жасорати билан ўзини ҳайратга солган рақибининг бошини қиличда узиб ташлашганда, унинг бирорта тукки ҳам қилт этмади.

Тўсатдан экрандаги тасвир ўзгарди. Оппоқ соқоли ўзига ярашиб, юзларидан нур ёғилиб турган Юсуф ёвуз ва манфур Шамшир қўйган тузоқдан гўзал Маржинани кутқарди. Қилинган эзгулик унга ўғли — Али бобони топиб олишдак бебаҳо қувонч сифатида қайтди.

Бир-бирига зид образларнинг ҳаётийлиги томошабинни ром этади. Бу ролларнинг ижроچиси ССЖИ халқ артисти, ССЖИ давлат мукофоти лауреати Зикир ака Муҳаммаджонов ярим асрдан зиёд ижодий фаолияти давомида санъаткорнинг буюк ва залворли масъулиятини қалбига туйиб келмоқда. У саҳнада 100 дан, кинода 30 дан кўпроқ образ яратди.

Яқинда у киши Ўзбекистон ССЖ ички ишлар вазирлиги ходимлари билан учрашувга ташриф буюрдилар. Саҳна-мизнинг бугунги дарғаларидан бири сўхбатига муяссар бўлганлар бир олам таассурот олишганига аминман.

Зеро Зикир аканинги бетакрор диди, фалсафий дунёқараш, алғов-далғов давр ҳақида, ёшлар тарбияси, жиноятчилик билан кураш ҳақида билдирган теран мулоҳазалари кимларни мушоҳада юртишига мажбур қилмайди, дейсиз?

«Генерал Раҳимов» фильмида Собир Раҳимов, «Кузнинг биринчи кунини»да участка вакили милиция капитани Султонов, «Улуғбек хазинеси»да Мирзо Улуғбек ролларини ўзига хос талқин этган ижодкор сўхбатдошларини қизиқтирган барча саволларга жавоб қайтарди.

Зикир ака шу учрашув чоғида камтарлик, одоб бобида қадри баланд сабоқ ҳам берди. Залда учрашув катнашчилари мўлжалдагидан озлиғига, ички ишлар вазирлиги бошқарма ва бўлимлари раҳбарларидан бирортаси иштирок этмаганлигига қарамасдан ҳақиқий мухлисларидан сўхбатини дариг тутмади. Ахир, у бу учрашувга Пискентдан мисоли учиб келганди...

**Ғайрат ЖУРА.**  
Суратларда: учрашув пайти.  
Ҳ. Шодиев олган суратлар.

## ИШГА ТАКЛИФ ҚИЛАМИЗ

Ўзбекистон «Динамо» жумҳурият кенгаши бўш ўринларга танлов ўтказди. Кенгаш ҳузурдаги махсус тайёргарлик марказида хизмат қилиш учун (офицерлар таркиби) ички ишлар идораларида жисмоний тарбия ва спорт бўйича катта инспектор-ўргатувчи ва инспектор-ўргатувчилар керак.

Махсус марказга жисмоний бақувват, ички ишлар идоралари шахсий таркиби учун белгиланган синов кўрсаткичларини каминда 4 («яхши») баҳога топширган, самбо ёки шарқ яқма-яқка олишувларининг жанговар усулларидан хабардор кишилар қабул қилинади.

30 ёшдан ўтмаган фуқаролар ҳам танловда иштирок этишлари мумкин. Танлов эълон чиққан кундан бошлаб икки ой давом этади.

Қуйидаги манзилгоҳга мурожаат этиш мумкин: Тошкент шаҳри, Пушкин кўчаси 15, «Динамо» ўйингоҳи. Телефонлар: 68-74-16, 68-74-17.

Ўзбекистон «Динамо» жумҳурият кенгашининг кадрлар ва ташкилий ишлар бўлими.

Мухаррир  
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.  
Ўзбекистон Компартияси Марказий Қўмитаси нашриятининг Меҳнат Қизил Байроқ орденли босмахонаси, 700083, Тошкент, Ленинград кўчаси, 32.

Телефонлар: Мухаррир,  
муҳаррир ўрибосари — 39-77-23,  
37-23, 46-56 (ички).

«ПОСТДА» —  
(«НА ПОСТУ»)  
Орган коллегии МВД  
УзССР